

Statsråd Sylvi Listhaug på Oksvik-konferansen på Sjøholt:

- Ei stor utfordring å få neste generasjon inn i landbruket



Grunnen til at vi går inn for omlegging av landbrukspolitikken er at vi ser resultata av dei raud-grøne dei siste åtte åra.

Berre i denne perioden har vi opplevd 10 prosent auke i matimporten. Slik kan det ikkje halde fram.

Landbruks- og matminister Sylvi Listhaug samla mykje folk frå heile fylket då ho heldt föredraget sitt under Oksvik-konferansen i Ørskog Samfunnshus.

BB - KJELL OPSAL

Det var tydeleg at mange hadde møtt fram både for å helse på, hoyre henne og legge fram sine synspunkt på eit særdeles aktuelt området i samfunnet.

Her poengtert ho at omleggingen av kursern er heilt nødvendig også for å få neste generasjon til å føre drifta vidare.

- Unge i dag har så mange val medan landbruk er ein livsstil som vi må gjøre meir attraktivt.

I dag er ikkje dette ei næring som bølar over av framtidstru.

I dag tener deltidsbønder betre enn dei som skal leve av å produsere mat.

Slik går det berre ikkje vidare. Alle må ha inntekter til å betale sine reknigar.

Det forbausar meg når mange vil ha meir av same medisinen som ikkje verkar. Når vi stiller spørsmål til Senterpartiet, får vi berre uklare svar. Kva er det dei vil?

Listhaug presiserte at målet må vere å legge til rette for fleire bønder på heiltid. Og det skal vere plass til både dei store og dei små.

- For mindre bruk er det viktig å finne fram til nisjar som kan gi inntekter. Dette med lokalmat ligg i tida, og det skal leggast opp til auka støtte til innovasjon i landbruket.

Her nemnde statsråden som eksempel planane for slakteri på Vestnes og produksjon av Sunnmørseggs med base på Skår, Haramsøy og Hareid.

Det er eit tilbod som har slått godt an.

Andre område er osteproduksjon, gardsturisme, bruken av fjella, fjorden, og mindre stivbeinte reglar for samdrift.

- Vi må vekk i frå at alt skal begrensa og i staden sjå og prøve alle muligheter som finst.


Ho tilbakeviste sterkt påstanden om at det skal bli industrielandbruk og at dei familieeidige forsvinn. Eit anna sentralt tema er prisen på landbrukseigedomar:

- Det må bli slutt på at politikarane skal bestemme prisen ved sal. Dette handlar om å gjenreise eigedomsretten.

Eg vil ikkje rasere landbruket, men veit at det ikkje kan halde fram med same medisinen vi har hatt.

Vi kan ikkje berre sjå bakover, men søke løysingar for framtida.

Statsråd Sylvi Listhaug på heimebane: Det må bli slutt på at politikarane skal bestemme eigedomsprisar.



Gåve frå barndomsbygda: Arild Aanes, leiar for Olav Oksvik-stiftinga, stor for overrekking av turstav laga av Arnfinn Hanestadhaugen.